

女科證治準繩



四之三

松
科別

n 44

Kitasato Memorial Medical Library

F 12
シ-131



490.9
Jo-3
12
No. 3177
1244

胎水腫滿 腹內鐘鳴 積聚 孕癰
傷食 中惡 中風 凡瘧 痰癢
眩暈 驚悸 瘧 煩口乾 吐血衄咳唾
咳嗽 喘 瘧 霍亂 泄瀉 滯下
大小便不通 小便不通



胎水腫滿

產寶論曰夫妊娠腫滿由臟氣本弱因產重虛土不
尅水血散入四肢遂致腹脹手足面目皆浮腫小便
秘澀陳無擇云凡婦人宿有風寒冷濕妊娠喜脚腫
俗呼為皴脚亦有通身腫滿心腹急脹名曰胎水
論曰凡妊娠之人無使氣極若心靜氣和則胎氣安
穩若中風寒邪氣及有所觸犯則隨邪而生病也凡
妊娠經血壅閉以養胎若忽然虛腫乃胎中挾水水
血相搏脾胃惡濕主身之肌肉濕漬氣弱則肌肉虛
水氣流溢故令身腫滿也然其由有自或因泄瀉下

胎水腫滿

月信 女系四 百十三
病臟腑虛滑耗損脾胃或因寒熱瘧疾煩渴引飲太過濕漬脾胃皆能使頭面或手足浮腫也然水漬於胞兒未成形則胎多損壞及其臨產日脚微腫乃胞藏水少血多水出於外故現微腫則易生也宿有寒氣因寒冷所觸故能令腹脹腫滿也 產乳集論妊娠自三月成胎之後兩足自脚面漸腫腿膝以來行步艱辛以至喘悶飲食不美似水氣狀至於脚指間有黃水出者謂之子氣直至分娩方消此由婦人素有風氣或衝任經有血風未可妄投湯藥亦恐大段甚者慮將產之際費力有不測之憂故不可不治於

未產之前也古方論中少有言者按名醫錄宋少主元微中與徐文伯微行學鍼法文伯見一妊婦足腫不能行少主脈之此女形也文伯診之曰此男胎也在左則胎黑色少主怒欲破之文伯惻然曰臣請針之胎遂墮男形而色黑此妊娠足腫之說見於古者今巢氏病源中但有子煩之論千金并產寶方亦略言之劉禹錫續傳廣信方以爲妊婦有水氣而成胎太平聖惠亦言之皆非也元豐中淮南陳景初名醫也獨有方論治此病方名初謂之香附散李伯時易名曰天仙藤散也 薛前證若胸滿腹脹小便不通

遍身浮腫用鯉魚湯脾胃虛弱佐以四君子若面目
虛浮肢體如水氣用全生白朮散如未應用六君子
湯脾虛濕熱下部作腫用補中益氣加茯苓若飲食
失宜嘔吐泄瀉用六君子湯若腿足發腫喘悶不安
或指縫出水用天仙藤散脾胃虛弱兼四君子湯如
未應用補中益氣湯若脾肺氣滯用加味歸脾湯佐
以加味道遙散一妊婦每胎至五月肢體倦怠飲
食無味先兩足腫漸至遍身後及頭面此是脾肺氣
虛朝用補中益氣夕用六君子加蘇梗而愈凡治妊
娠母泥月數但見其經證即用本藥為善一妊婦

年三十八妊娘水腫以鯉魚湯加五苓散人參濕加
蒼朮壹錢厚朴陳皮五分蘿蔔子炒車前子滑石各
壹錢作一貼若喘急加苦葶藶小使不利加水通燈
草甚者車前子瀘川散其濕毒自消防已治腰已下
濕熱腫如內傷胃弱者不可用也
天仙藤散

天仙藤 洗畧炒 香附子 炒 陳皮

甘草 烏藥 不必天合者但得
軟白辛而香者良

右等分淨秤為細末每服叁錢水壹大盞薑叁片
木瓜叁片紫蘇叁葉同煎至米分於溫澄清空心

食前服日三服小便利氣脉通體輕腫漸消更不

須多服元豐末王荆公居金陵與家病以詩贈景伯時家傳方錄于臨川張右丞空

產寶療妊娠身腫有水氣心腹脹滿小便少伯時家傳方錄于臨川張右丞空

茯苓 肆兩 杏仁 各壹 檳榔 各叁

旋覆花 郁李仁 各壹

右為粗末以水陸升煮取貳升去滓分温三服小

便通即瘥

崔氏療妊娠體腫有水氣心腹急滿

茯苓 白木 各肆兩 旋覆花 貳兩

杏仁 黃芩 各叁

右細切以水柒升煮取貳升半分温三服忌桃李

雀肉酢物

療妊娠遍身洪腫葶藶子散

葶藶子 壹兩 白木 伍兩 茯苓 各壹

桑白皮 郁李仁 各貳兩

右為粗末水陸升煮取貳升分三服小便利即瘥

又方

澤瀉 葶藶 各貳兩 茯苓

枳殼 白木 各陸兩

右細切以水陸升煮取貳升分溫兩服小便利即

澤瀉散 治妊娠氣壅身體腹脇浮腫喘急大便不

通小便赤澀宜服

澤瀉

木通

桑白皮

赤茯苓

枳殼

檳榔 各壹錢半

右作一服水貳鍾生薑五片煎至壹鍾食前服

防已湯 治妊娠脾虛通身浮腫心腹脹滿喘促小

便不利

防已 壹錢半

桑白皮

赤茯苓

紫蘇莖葉 各貳錢 木香 半錢

作一服煎服法同前

千金鯉魚湯 治妊娠腹大胎間有水氣

白朮 伍兩

茯苓 肆兩

當歸

芍藥 各叁兩

右細剉片以鯉魚壹尾修事如食法煮取汁去魚

不用每服肆錢入魚汁壹盞半生薑柒片橘皮少

許煎至柒分去滓空心服集驗同

腎著湯 治妊娠腰脚腫

茯苓

白朮 各肆兩

乾薑

用前
如利四

甘草 各貳兩
杏仁 參兩

右咬咀每服肆錢水壹盞半煎至米分食前服
指迷五皮散 治胎水尋常脾虛腫滿亦治

大腹皮
桑白皮
生薑皮

茯苓皮 各等分
橘皮 各等分

右咬咀每服半兩水貳盞濃磨木香水壹罇同煎
至捌分去滓空心溫服亦治男子脾虛腫滿

治妊娠兩脚浮腫名曰脆脚因脾衰不能制水血化
成冰所致用生料平胃散薑棗水煎服或為末紫蘇
葉煎湯調下

全生白朮散 治妊娠面自虛浮如水腫狀

白朮 壹兩
生薑皮
大腹皮

茯苓皮 各半兩
陳皮 各半兩

右為細末每服貳錢米飲調下不拘時

子和治妊娠從脚上至腹腫小便不利微渴豬苓伍
兩為末以熟水服方寸匕日三服

丹子腫多濕用山梔一撮米飲吞下

大凡孕婦胎內動身用貝母當歸芍藥湯末煎服

胎前腫水腫滿

腹內鐘鳴

大治孕婦腹內鐘鳴用鼠窟前後土為細末研麝香酒調下貳錢其產婦立愈

補遺治孕婦腹中兒哭用川黃連濃煎汁令母常呷之

薛按產寶云小兒在腹中哭其治法亦用空房中鼠穴土或黃連煎濃汁飲之即止想即是證又云臍帶上疣落兒含口中因妊婦登高舉臂脫出兒口以此作聲令妊婦曲腰就地如拾物狀仍入兒口即止然黃連性寒麝香開竅當酌量用之

積聚

素黃帝問曰婦人重身毒之何如岐伯曰有故無積亦無殞也帝曰願聞其故何謂也岐伯曰大積大聚其可犯也衰其大半而止過者死至真要論

- 丹血塊如盤有孕難服峻劑此方主之
- 香附子醋煮肆兩
- 桃仁去皮尖壹兩
- 海粉醋煮貳兩
- 白朮壹兩

右為末麵糊丸服

孕癰

治孕癰立效

烏藥研出洪州軟白香辣者良

右用伍錢水壹盞牛皮膠壹片同煎至柒分温服

補遺治孕中有癰 薏苡仁煮汁飲之

薛按孕癰即是腹內患癰如前法不應宜用牡丹皮

散 或薏苡仁湯方見外科內癰

傷食

大經云飲食自倍腸胃乃傷又云陰之所生本在五

味陰之五宮傷在五味若妊子飲食不節生冷毒物

恣性食噉致傷脾胃故妊娠傷食最難得藥唯此

方最穩捷木香丸白米散 薛東垣先生云脾胃之氣壯則

過時而不饑多食而不傷蓋胃主司納脾主消化五

臟之本也然食倍而傷者乃脾氣虛而不化也若投

以峻劑則脾胃復傷而胎亦損矣當審其所因而調

治之若飲食停滯或肚腹作痛用平胃散嘔吐惡心

加枳殼砂仁吞酸噯腐加黃連叁分吳茱萸貳分腹

滿泄瀉用六君子湯停滯肉食倍加山查停滯麵食
倍加麥蘖停滯糯食用白酒麴末一味米食停滯倍
加穀蘖魚腥所傷倍加陳皮傷辛熱之物加黃連傷
性冷之物加砂仁木香如不應更加肉豆蔻補骨脂
再不應用四神丸若脾氣下陷用補中益氣湯凡愛
覺藥氣且戒藥餌節飲食經云損其脾者調其飲食
適其寒溫大凡脾胃虛弱飲食難化以白木陳皮為
末等分陳麴糊丸常服最善枳朮丸但可暫用枳實
峻厲能耗真氣治者慎之 一妊娠因停食服枳朮
丸胸腹不利飲食益少更服消導寬中之劑其胎下

際余謂此脾氣虛而不能承載也用補中益氣及六
君子湯中氣漸健其胎漸安又用八珍湯加柴胡升
麻調理而痊

木香丸 治婦人有孕傷食

木香 貳錢

三稜

人參

白茯苓 各叁錢

右為細末麴糊丸如菉豆大熟水吞叁肆拾丸

白木散 治妊娠氣不調和飲食易傷

白木 炒

乾紫蘇 各壹兩

人參

白芷 炒各柒錢半

川芎

訶子皮

青皮

各半兩

甘草

貳錢半

右為末每服貳錢水壹盞薑叁片煎至柒分温服

局方小七香丸

雜傷飲食

保氣散坐二方治傷食良効

鄭氏勝金散

治妊婦因食傷胎傳於脾胃氣虛冷

逼小腹脹痛或署重太便秘

吳茱萸

酒浸

淨陳皮

川芎

乾薑

炮

生薑切焙各壹錢半

炙甘草

厚朴

薑製各叁錢

細末每服叁錢陳米飲下入鹽煎尤妙濟生加砂

仁

中惡

天夫妊娠忽然心腹刺痛悶絕欲死者謂之中惡邪惡之氣中胎傷於人也所以然者血氣自養而為精神之主若血氣不和則精神衰弱故邪毒之氣得以中之妊娠之病亦致損胎也薛前證當調補正氣為善用金銀藤一味煎湯飲之

當歸

丁香

川芎

各叁兩

青橘皮

貳兩

吳茱萸

半兩去梗湯泡叁次炒黑

右為細末無時温酒調壹錢

又方 生乾地黄 壹兩 枳殼 木香 各半 為細末每

服壹錢酒調下

又方 苦梗 貳兩細 生薑 半兩 水煎服之

補遺 治妊娠中惡心腹絞急切痛如鬼擊之狀不

可按摩或吐血或衄血者用熟艾 如拳 煮汁頻服

又方 用鹽壹盞水貳盞調和服以冷水噀之吐出

即安

又方 竈心土為末每貳錢井水調服白湯調亦可

又法 取汗衣用男子貼體久染汗者佳燒灰存性

百沸湯調服

中風

大論曰夫四時八方之氣為風也常以冬至之日候之若從其鄉來者長養萬物若不從其鄉來者名為虛邪賊害萬物人體虛則中之若風邪客於皮膚入於經絡即頑痺不仁若入於筋脉挾寒則攣急喎僻挾溫客弛縱若入臟腑則恍惚驚悸凡五臟俞皆在背臟腑虛寒邪皆從俞而入隨所傷臟腑經絡而為諸病妊娠中風若不早治則令墮胎也 薛按病機機要云風本為熱熱勝則風動宜以靜勝其躁是亦養血也治法須少汗亦宜少下多汗則虛其衛多下

則損其榮雖有汗下之戒而有中臟中腑之分中腑者多著四肢則脉浮惡寒拘急不仁中臟者多著九竅則唇緩失音耳聾鼻塞目瞽便秘中腑者宜汗之中臟者宜下之表裏已和宜治在經當以太藥養之此中風之要法妊婦患之亦當以此施治而佐以安胎之藥

防風散 治妊娠中風卒倒心神悶亂口噤不能言

四肢急強

防風 去蘆

羚羊角屑

葛根

細辛 去苗

桑寄生 各壹兩

當歸 去蘆

甘菊花

漢防已 去皮

秦艽 去蘆

桂心

茯神 去木

甘草 炙各半兩

右為呔咀每服捌錢水壹中盞半生薑伍片煎至壹大盞去滓入竹瀝半合攪勻溫服無時

生犀角散 治妊娠卒中風不語四肢強直心神愒憤

生犀角屑

麻黃 去節各壹兩

防風 去蘆

赤箭

羌活

當歸

人參 各去蘆

葛根

赤芍藥 各柒錢半

甘州炙

秦艽 各半兩

石膏 壹兩半

右為咬咀每服捌錢煎服法如前

防已散 治妊娠中風口眼喎斜手足頑痺

防已 去皮

羌活

防風 各去

麻黃 去節

黃松木節

羚羊角 屑各壹兩

桂心

荆芥穗

薏苡仁

桑寄生

甘州 各半兩

右咬咀每服五錢水壹中參生薑五片煎至壹

太盞去滓溫服不拘時候

獨活散 治妊娠因洗頭中風身體強硬牙關緊急

失音不語並皆治之

獨活 去蘆

赤箭

麻黃 去節

阿膠 各壹兩炒

烏犀角屑

羌活 去蘆

防風 去蘆

天蓼木

白附子 炮各半錢

漢防已 去皮

桂心

芎藭

白殭蠶 微炒各半兩 龍腦 貳錢半細研

右為細末入研藥令勻每服貳錢薄荷湯調下不

拘時

白殭蠶散 治妊娠中風口噤心膈痰涎壅滯言語

不得四肢強直

白殭蠶 炒

天麻

獨活 去蘆各壹兩

麻黃去節壹兩半

烏犀角屑半兩

白附子炮

半夏湯洗半兩

天南星炮

藿香各半兩

龍腦貳錢半研

右為細末入研藥令勻每服壹錢生薑薄荷湯調下不拘時日三服

赤箭丸 治妊娠中風手足不隨筋脉緩急言語蹇澁皮膚不仁

赤箭

草薺酒浸

麻黃去節

獨活去蘆

鼠黏子

熟乾地黄

羚羊角屑各壹兩

阿膠炒

防風去蘆

芎藭

當歸炒去蘆

薏苡仁

五加皮

秦艽去蘆

漢防已去皮

栝子仁

酸棗仁炒

丹參去蘆各壹兩

右為細末煉蜜和搗三五百下丸如梧子大每服參拾丸葶淋酒送下食前

白朮酒 治妊娠中風口噤語言不得

白朮壹兩半

獨活壹兩

黑豆壹合炒

右細剉以酒參升煎取壹升半去滓溫分四服口噤者拗口灌之得汗即愈

治妊娠因感外風如中風狀不省人事

熟艾卷兩 陳米醋炒令極熟以絹帛裹熨臍下良久即省

[Faint bleed-through text from the reverse side of the page]

風痙 癩

大妊娠體虛受風而傷太陽之經絡後復遇風寒相搏發則口噤背強名之曰痙又云痙其候冒悶不識入須臾自醒良久復作謂之風痙一名子癩亦名子冒甚則反張薛前證若心肝風熱用釣藤湯胎動肝脾血虛加味道遙散經調肝脾鬱怒加味歸脾湯雜健氣逆痰滯紫蘇飲肝火風熱釣藤散胎動脾鬱痰滯二陳薑汁竹瀝若兼證相雜當參照子煩門

羚羊角散 治妊娠冒悶角弓反張名曰子癩風痙 獨活 酸棗仁炒

胎前風痙 百五

五加皮

薏苡仁炒

防風

當歸酒浸

川芎

茯苓去木

杏仁去皮尖

木香

甘草炙各

右薑水煎服

小品療妊娠忽悶眼不識人須更醒復發亦有不醒者名爲瘧病亦名子癰亦名子冒宜葛根湯若竹近可速辦者當先作瀝汁次辦湯也其竹遠不可即辦者當先辦湯此二療會得其一種竹瀝偏療諸瘧絕起死也非但偏療妊娠產婦絕死者有效小兒或癰瘡金瘡發瘧瘵之亦驗

葛根湯方 治妊娠臨月因發風瘧悶憤不識入吐

逆眩倒小醒復發名曰子癰

葛根

貝母去心

牡丹皮

木防已

防風

當歸

川芎

白茯苓

桂心熬

澤瀉

甘艸各貳兩

獨活

石膏碎

人參各叁兩

右細切以水九升煮取叁升分三服貝母令人易產若未臨月者以升麻代之忌海藻菘菜酢物按此方犯桂與牡丹不如羚羊角散之妥

羌活酒 治妊娠中風瘓口禁四肢強直角弓反張

羌活去蘆壹兩半 防風去蘆壹兩 黑豆壹合炒

右二味為咬咀好酒五升浸壹宿每服用黑豆壹合炒令熟投入藥酒壹大盞候沸即住去滓分兩服灌之

丹治一婦人懷妊六月發癩手足揚直面紫黑色合眼涎出昏憤不醒人事半時而醒醫與震靈丹五十餘貼其疾時作時止無減證直至臨產方自愈產一女孳中子母皆安次年其夫疑丹毒必作求治之診其脉浮取弦重取瀋按至骨則沉實帶數時正二月

因未見其癩發正狀未敢與藥意其舊年癩發時乃五月欲待其時度此疾必作當審諦施治至五月半其疾果作皆是午巳兩時遂教以自製防風通聖散用生甘艸加桃仁多紅花少或服或吐至四五劑疾漸踈而輕後發為疥而愈

[Faint bleed-through text from the reverse side of the page]

瘈瘲

瘈瘲者筋脉急而縮也瘲者筋脉緩而伸也一縮一伸手足相引搐搦不已大抵與嬰孩發搐相似謂之瘈瘲也此證多屬風蓋風主搖動駱龍吉云心主脉肝主筋心屬火肝屬木火主熱木主風風火相熾則為瘈瘲也治法若因風熱用釣藤湯加柴胡山梔黃芩白朮以平肝木降心火養氣血若風痰上涌加竹瀝南星半夏若風邪急搐加全蠍僵蠶虧損氣血用八珍湯加釣藤山梔為主若無力抽搐戴眼反折汗出如汗者肝絕也皆不治一妊婦四肢不能伸服

胎前

女科

百五

祛風燥血之劑遺尿痰甚四肢抽搐余謂肝火血燥
 用八珍湯加炒黑黃芩為主佐以釣藤湯而安後因
 怒前證復作小便下血寒熱少寐飲食少思用釣藤
 散加山梔柴胡而血止用加味道遙散寒熱退而得
 寐用六君子湯加芍藥釣藤飲食進而漸安
 釣藤湯見胎動不安
 釣藤散眩暈

眩暈

消風散 治妊娠肝臟熱毒上攻太陽穴胸膈凝滯

頭旋目暈或腮項腫核

石膏煨 防風去蘆 川羌活去蘆

甘菊花去枝 川芎 羚羊角鈎

當歸酒浸去蘆 大豆黃卷炒 荆芥穗

白芷各壹錢 炙甘草半錢

右作一服水貳鍾好芽茶半錢煎至壹鍾食遠服

犀角散 治妊娠婦人諸風執困倦時發昏眩

犀角 棟參 山梔仁

胎前 女系四 百五

川羌活

黃連

青黛

川芎

吳白芷

茯苓

甘草炙各壹錢

右作二服水貳鍾生薑參片竹葉柒葉煎至壹鍾食遠服

驚悸

吳永妻孕而驚遂病悸醫以為病在中神越焉無可為沈宗常以為膽傷耳俾服抱膽丸而愈
大聖散 治妊娠怔悸睡裏多驚腹脇膨脹坐卧不寧

白茯苓去皮

麥門冬去心

黃芪去蘆蜜炙

當歸去蘆酒浸

川芎各壹錢半

木香不見火

人參

甘草炙各壹錢

右作二服水二鍾生薑伍片煎至壹鍾服無時抱膽丸雜病癩

胎前醫骨 卷十四 重刊

瘖

大全孕婦不語非病也間有如此者不須服藥臨產月但服保生丸四物湯之類產下便語得亦自然之理非藥之功也醫家不說與人臨月則與尋常之藥產後能語則以為醫之功豈其功也哉 黃帝問曰人有重身九月而瘖此為何也岐伯對曰胞之絡脉絕也帝曰何以言之岐伯曰胞絡者繫於腎少陰之脉貫腎繫舌本故不能言帝曰治之奈何岐伯曰無治也當十月復 郝翁治驗見前候胎條

煩 口乾附

大全妊娠苦煩悶者以四月受少陰君火氣以養精六月受少陽相火氣以養氣若母心驚膽寒多有煩悶名曰子煩也產寶云夫妊娠而子煩者是肺臟虛而熱乘於心則令心煩也停痰積飲在心胸之間或衝於心亦令煩也若熱而煩者但熱而已若有痰飲而煩者嘔吐涎沫惡聞食氣煩躁不安也大凡妊娠之人既停痰積飲又寒熱相搏氣鬱不舒或煩躁或嘔吐涎沫劇則胎動不安均謂子煩也 薛前證若因肉熱用竹葉湯氣滯用紫蘇飲痰滯用二陳白朮

黃芩枳殼氣鬱用分氣飲加川芎脾胃虛弱用六君
紫蘇山梔一妊婦煩熱吐痰惡食惡心頭暈此脾
虛風痰為患用半夏白朮天麻湯維眩以補元氣祛
風邪漸愈惟頭暈未痊乃用補中益氣湯加蔓荊子
以升補陽氣而愈

竹葉湯治妊娠心驚膽怯終日煩悶名曰子煩

白茯苓各錢 防風 麥門冬去心

黃芩各錢

右作一服水貳鍾竹葉五片煎至壹鍾無時服

竹瀝湯出外臺秘要與前竹葉湯同內有竹瀝壹合

無竹葉 又方有知母無黃芩

竹茹湯療妊娠煩躁或胎不安桑寄生

用淡青竹刮茹壹兩以水壹大升煮取肆合徐徐

服盡為度

知母飲治妊娠心脾壅熱咽膈渴苦煩悶多驚

知母 麥門冬去心 赤茯苓各壹錢

黃芩各貳錢 甘草壹錢

右作一服水貳鍾入桑白皮半錢煎至壹酸再入

竹瀝些少同煎三五沸服無時

麥門冬湯治妊娠心驚膽怯煩悶名曰子煩

治前煩

月前
女科四
百五

麥門冬 去心 白茯苓 各參 防風 各參

人參 壹錢半

右作一服米貳鍾生薑伍片淡竹葉拾葉煎至壹

鍾去滓不拘時服

麥門冬散 治妊娠心煩憤悶虛躁吐逆惡聞食氣

頭眩四肢沉重百節疼痛多臥少起

麥門冬 去心 子芩 赤茯苓 各壹

用茯苓 赤芍藥 陳皮

人參 苦梗 桑寄生

甘草 旋復花 各半 生地黃 柒錢半

右為粗末每服肆錢水壹盞薑壹錢煎至柒分不

拘時溫服

又方

麥門冬 苧根 各參兩 黃芩

茯苓 各壹兩 甘州炙 犀角屑 各半

右咬咀每服肆錢水壹盞生地黃壹分淡竹葉伍

片煎至陸分去滓溫服效

柴胡散 治妊娠心煩頭目昏重心胸煩悶不思飲

食

柴胡 壹兩半 赤茯苓 麥門冬 各壹

治前煩 又非日

枇杷葉去毛 人參 橘紅

甘草各半兩 人參散 治妊娠熱氣乘於心脾津液枯少煩躁壅

熟乾渴 治妊娠熱氣乘於心脾津液枯少煩躁壅

人參 麥門冬 赤茯苓

地骨皮 家乾葛 黃芩

犀角屑各棗錢半 甘草半兩 右咬咀每服參錢水壹盞煎至陸分去滓溫服

治妊娠心煩熱不止

葱白壹握 豉貳合 右以水貳大盞煎至壹棗半去滓溫分三服

一母丸 治妊娠因服藥致胎氣不安有似虛煩不

得卧巢氏謂之子煩也出產乳

知母貳兩洗焙 右為細末以棗肉為丸如彈子大每服壹丸煎人

參湯送下 醫者不識此證作虛煩治之損動胎

氣宜矣 煩燥口乾 夫足太陰脾之經也其氣通於口于少陰

心之經其氣通於舌若妊娠之人臟腑氣虛榮衛不

理陰陽隔絕熱乘於心脾津液枯少故令心煩而口乾也 薛前證若胃經實火用竹葉石膏湯若胃經虛熱用人參黃芪散若胃經氣虛用補中益氣湯若肺經虛熱用紫蘇飲若肝經火動用加味道遙散若脾氣鬱結用加味歸脾湯若腎經火動加味地黃丸 一妊婦煩熱兼咽間作痛用知母散加山梔以清肺經而愈後內熱咳嗽小便自遺用補中益氣加麥門山梔以補肺氣滋腎水而痊

升麻散 治妊娠壅熱心神煩躁口乾渴逆
川升麻 瓜蒌根 黃芩 人參

麥門冬 柴胡 梔子仁 犀角屑

茯苓各壹錢 知母 甘草各半錢

右作一服水貳鍾煎至壹鍾不拘時服

知母散 治妊娠煩燥悶亂口乾及胎臟熱

知母 麥門冬 甘州各半兩 黃芪

子芩 赤茯苓各半錢

右收咀每服肆錢水壹盞煎至半盞分去滓入竹瀝

壹合更煎二三沸溫服

葛根散 治婦人妊娠數月胸膈煩躁唇口乾渴身

熱少食

胎前 煩躁 乾 百五

胎前 婦科 卷四

家葛根野者不用 黃芩 人參

萎蕤 黃芪 麥門冬 甘草等分 咳吐

右每服肆錢水壹盞竹茹壹團如錢大煎七分溫服無時

人參黃芪散 治妊娠身熱煩躁口乾食少

人參 黃芪 家葛根 麥門冬

赤茯苓 秦艽各壹兩 知母柒錢半 甘艸半兩

每服肆錢薑水竹葉煎服

補遺人參白朮散 黃耆六一湯皆良

治子煩口乾不得卧用黃連去鬚細末 粥飲調下

吐血衄血咳唾血

大妊娠吐血者皆由臟腑有傷凡憂思驚怒皆傷臟腑氣逆於上血隨而溢心悶胸滿久而不已心悶甚者死妊娠病此多墮胎也 薛前證若肝經怒火先用小柴胡山梔生地次用前藥合四物後用加味逍

遙散 肝經風熱防風子芩丸胎漏下血 心經有熱朱砂

安神丸雜虛 心氣不足補心湯驚悸 思慮傷心妙香散

胃經有火犀角地黄湯吐血 膏粱積熱加味清胃

散 鬱結傷脾加味歸脾湯健 肺經有火黃芩清肺

飲淋 因氣鬱滯紫蘇飲胎上 子氣不攝血用補中益

胎前 婦科 卷四

肺前
氣湯腎經虛火加味六味丸雜病
局方必勝散
治男子婦人血妄流溢吐血衄血嘔

血咯血
熟乾地黃
小薊并根用
人參
蒲黃微炒
當歸去蘆
芍藥

烏梅肉各壹兩
右件藥搗羅為麤散每服五錢水壹盞半煎至柔
分去滓溫服不拘時

治吐血不止
馬氣勃用生布擦為末濃米飲調下

針灸
咳唾
血

治鼻衄以白茅花濃煎汁服

心妊孕寒熱往來咳嗽血痰或嘔吐不食無方或喘
滿乳脊相應痛或口中唾如霜雪出語無聲或耳鳴
或痰涎日夜數碗誤用熱藥之故也刺 風門 臆

戶各伍分 支溝各相透
如寒熱未解百節痠痠昏憤再取 絕骨伍分 太溪

如脉氣未平瀉 太淵 太白各貳分 熱府伍分

已上穴實瀉虛補治產前病立効此病安後半年
必有一變四肢消瘦單腹腫脹即取陰交一穴去

治前吐血衄血等

其惡物也

咳肺虛未平風 大風 太白冷 雜論
咳非熱未平風 咳非熱未平風 咳非熱未平風
咳非熱未平風 咳非熱未平風 咳非熱未平風
咳非熱未平風 咳非熱未平風 咳非熱未平風
咳非熱未平風 咳非熱未平風 咳非熱未平風

欬嗽

大金夫肺內主氣外司皮毛皮毛不密寒邪乘之則

欬嗽秋則肺受之冬則腎受之春則肝受之夏則心

受之其嗽不已則傳於腑妊娠病久不已則傷胎也

薛前證若秋間風邪傷肺用金沸草散雜欬夏間

火邪尅金用人參平肺散雜喘冬間寒邪傷肺用人

參敗毒散雜傷春間風邪傷肺用參蘇飲雜發若脾

肺氣虛用六君芩歸桔梗若血虛四物桑白皮杏仁

桔梗腎火上炎用六味丸雜虛加五味子煎服脾胃

氣虛風寒所傷用補中益氣雜勞加桑皮杏仁桔梗

蓋肺屬辛金生於巳土嗽久不愈者多因脾土虛而
 不能生肺氣而腠理不密以致外邪復感或因肺氣
 虛不能生水以致陰火上炎所致治法當壯土生
 腎水為善 一妊娠氣喘痰甚諸藥不效素有帶下
 始於目下浮兩月餘其面亦然此氣虛而有痰飲也
 用六味丸料數劑而愈 一妊婦嗽則便自出此肺
 氣不足腎氣虧損不能司攝用補中益氣湯以培土
 金六味丸加五味以生腎氣而愈 一妊婦咳嗽其
 痰上湧日五六碗許諸藥不應予以為此水泔為痰
 用六味丸料及四君子湯各一劑稍愈數劑而安

一妊婦因怒咳嗽吐痰兩脇作痛此肝火傷肺金以
 小柴胡湯加山梔枳殼白朮茯苓治之而愈但欲作
 嘔此肝侮脾也用六君子加升麻柴胡而痊
 欬冬花散 治妊娠心膈痰毒壅滯肺氣不順咳嗽

頭疼

欬冬花

麻黃

貝母

前胡

桑白皮

紫苑

旋復花

白朮

甘艸

石膏

右以咀每服肆錢水壹盞薑參片煎至茶分去渣

胎前咳嗽

女科四

百五

温服

苦梗散 治妊娠肺壅咳嗽喘急

桔梗

紫蘇

人參

桑白皮

貝母

甘草 各半兩

天門冬

赤茯苓

各壹兩

麻黃 朱錢半

每服肆錢水貳鍾生薑參片煎至壹鍾不拘時服

馬兜鈴散 治妊娠胎氣壅滯咳嗽喘急

馬兜鈴

桔梗

人參

甘草

貝母 各半兩

陳皮 去白

大腹子

桑白皮

紫蘇 各壹兩

五味子 貳錢半

右吹咀每服肆錢薑參片水煎

麻黃散 治妊娠外傷風冷痰逆咳嗽不食

麻黃 去節

陳皮 去白

前胡 各壹兩

半夏 湯洗

人參

白朮

枳殼 炒

貝母

甘州 各半兩

吹咀每服肆錢葱白五寸薑參片棗壹枚水煎服

百合散 治妊娠風壅咳嗽痰多喘滿

百合 蒸

紫苑茸 洗

白芍藥

治前咳嗽

女科四

赤茯苓 去皮

桔梗 炒

前胡 各去蘆

貝母 去心各壹錢半

甘草 伍分

作一服水貳鍾薑伍片煎至壹鍾不拘時服

紫苑湯 治妊娠咳嗽不止胎不安

紫苑 壹兩

桔梗 兩半

甘草

杏仁

桑白皮 各貳錢半

天門冬 壹兩

右咬咀每服參錢竹茹壹團水煎去滓入蜜半匙再煎一兩沸溫服

局方華蓋散治妊娠咳嗽不止穩重有效 見雜病咳嗽

喘

呂滄洲治經歷哈散侍人病喘不得卧衆作肺氣受風邪治之呂診之氣口盛于人迎一倍厥陰弦動而疾兩尺俱短而離經因告之曰病蓋得之毒藥動血以致胎死不一奔迫而上衝非風寒作喘也乃用催生湯加芎歸煮二三升服之夜半果下死胎喘即止哈散密囑曰病妾誠有懷以室人見嫉故藥去之衆所不知也衆慚而去

脇脹痛

平安散 治妊娠上氣喘急大便不通嘔吐不食腹

川芎

熟地黃洗

厚朴去粗皮製炒

右作二服水貳鍾入燒鹽壹捻煎至壹鍾不拘時

服

桔梗湯

木香各壹錢半

乾薑炮

甘草各壹錢

陳皮

生薑

馬兜鈴散並見前
咳條

瘡

大妊娠病瘡乃夏傷於暑客於皮膚至秋而發陽盛則熱陰盛則寒陰陽相離寒熱俱作其發晏者由風邪客於風府循脊而下衛氣至一日一夜常大會於風府故發日晏與早者衛氣之行風府日下一節二十一日下至尾骶二十二日入脊內上注於伏衝之脈其行九日出缺盆其氣既止故發更早其間日發者風邪內搏五臟橫連募原其道遠其氣深其行遲不能且作也妊娠而發多傷於胎薛前證因脾胃虛弱飲食停滯或外邪所感或鬱怒傷脾或暑邪所

胎前瘡

胎前瘡

胎前瘡

狻審係飲食停滯用六君子加桔梗蒼朮藿香外邪
 多而飲食少用藿香正氣散雜病中風外邪少而飲食多
 用人參養胃湯雜瘧勞傷元氣用補中益氣湯雜勞
 若鬱怒所傷用小柴胡湯傷寒少陽病兼歸脾湯健忘若木
 侮土久而不愈用六君子為主佐以安胎藥仍參三
 陰三陽經而治之 一婦人因怒患瘧舉發無期久
 而不已胸腹不利飲食少思吞酸吐痰用六君子加
 柴胡山梔二十餘劑尋愈但晡熱少食又用四君子
 加柴胡升麻為生佐以逍遙散而痊 一婦人瘧久
 不已噯氣下氣胸腹膨脹食少欲嘔便血少寐此屬

肝脾鬱怒用歸脾湯加柴胡山梔漸愈又用六君子
 湯加柴胡山梔升麻而愈 一婦人患瘧已愈但寒
 熱少食頭痛晡熱內熱此脾虛血弱也用補中益氣
 湯加蔓荊子頭痛頓止又用六君子湯加芫歸飲食
 頓進再用逍遙散加參朮而寒熱愈
 驅邪散 治妊娠停食感寒發為瘧疾

- 白朮
 - 草菓仁
 - 高良薑炒
 - 縮砂仁
 - 藿香葉
 - 橘紅
 - 白茯苓去皮各壹錢半
 - 甘草炙伍分
- 右作一服水貳鍾生薑伍片紅棗壹枚煎壹鍾不

月言
女科
百五

拘時服

七寶散治男婦一切瘧疾或先寒後熱或先熱後寒或寒多熱少或熱多寒少或一日一發或一日兩三發或連日發或間日發或三四日一發不問鬼瘧食瘧不伏水土山嵐瘴氣似瘧者並皆治之

常山

厚朴薑製

青皮

陳皮並二

甘州

檳榔

草果去皮各

等分

改咀每服半兩於未發隔夜用水酒各壹盞煎至壹大盞去滓露一宿再用酒水煎滓一次去滓下

露一宿來日當發之早盪溫面東先服頭藥少頃再服藥滓大有神効予嘗治一妊婦六七个月患瘧先寒後熱六脉浮緊醫用柴胡桂枝無効予曰此非常山不愈衆醫難之越數日疾甚乃從予治以七寶散一服瘧黃帝問婦人重身毒之奈何岐伯曰有故無殞帝曰何謂也岐伯曰太積太聚其可犯也衰其大半而止誠審藥物之性明治瘵之方何疑攻治哉

柴胡散

治妊娠瘧疾

柴胡

貳錢

生大黃

貳錢

生黃芩

壹錢半

治前瘧
女科
百五

甘艸 壹錢

右咬咀作壹服水煎臨發日五更温服必取利為愈如胎上逼心可服枳殼散忌油麵辛熱等物

又方

用大黃 貳兩 柴胡 壹兩 黃芩 壹兩 芍藥 壹兩 為細末

清糊為丸如梧桐子大每服百丸臨發日五

更冷湯吞下隔兩時再服伍拾丸以利為度若

妊娠瘧疾發熱口乾渴飲無度者亦用生地黃兩

黃芩麥門冬 各壹兩 石膏 貳兩 甘草 兩

乾葛 兩 右咬咀每服二錢入烏梅 半箇 煎服

又方

用常山 壹兩 石膏 兩 甘草 貳兩 黃芩 各半 烏梅 柒個

細切以水酒各壹椀浸一宿平旦煎至壹椀去滓

分二服臨發時服

右方犯常山大黃吐下之劑若六脈浮緊有力中

有頑痰積熱者用之所謂有故無殞也其他瘧治

方法已備雜證瘧門茲不贅若熱甚恐致動胎者

亦如傷寒熱病治法以白藥子伏龍肝等塗臍上

胎前瘧

女中四

三

不可出
 亦吐則美...
 食之則...
 用常山...
 又...

霍亂

夫飲食過度觸冒風冷陰陽不和清濁相干謂之
 霍亂其間或先吐或腹痛吐利是因於熱也若頭痛
 體疼發熱是挾風邪也若風折皮膚則氣不宣通而
 風熱上衝為頭痛若風入腸胃則洩利嘔吐甚則手
 足逆冷此陽氣暴竭謂之四逆妊娠患之多致傷胎
 也薛按前證若因內傷飲食外感風寒用藿香正
 氣散若因飲食停滯用平胃散果脾胃頓傷陽氣虛
 寒手足逆冷者須用溫補之劑治當詳審毋使動胎
 也一妊婦霍亂已止但不進飲食口內味酸泛行

消導寬中余曰此胃氣傷而虛熱也當用四君子湯
彼不信乃服人參養胃湯嘔吐酸水其胎不安是藥
復傷也仍與四君子湯俾煎熟令患者先嗅藥氣不
作嘔則呷少許恐復嘔則胎為鈞動也如是旬餘愈
人參白朮散

白朮

茯苓

人參

甘草

木香

藿香

乾葛

薑汁

為末沸湯調服貳錢吐甚者加生薑汁瀕瀕飲之
人參散 治妊娠霍亂吐瀉心煩腹痛

人參

厚朴

橘紅

當歸

乾薑

甘草

紅棗

枳殼

作一服水貳鍾薑叁片紅棗叁枚煎壹鍾服無時
白朮散 治妊娠霍亂腹痛吐利不止

白朮

益智仁

枳殼

橘紅

草豆蔻

良薑

右為散每服叁錢水煎入薑半分去滓溫服無時
木瓜煎 治妊娠霍亂吐瀉轉筋入腹則悶絕

吳茱萸

生薑

木瓜

一方有藿香

甘草

吳茱萸

紫蘇

右細剉水貳盞煎壹盞貳分去滓分三服熱服

縮脾飲

解伏熱除煩渴消暑毒止吐利霍亂之後

服熱藥太多致煩躁宜沉井水中候冷頻服

草果仁肆兩

烏梅肉參兩

甘草貳兩

右以咀每半兩水壹碗薑拾片煎捌分沉冷服

妊娠霍亂腹痛四肢冷逆汗出脉虛弱者理中湯治

之

右四方內用乾薑豆蔻茱萸俱大溫之劑若發熱

煩渴脉數陽證者服之即效宜用後方

竹茹湯

嘔吐

益元散

桂苓甘露飲

冬葵子湯

並

泄瀉

離米食所傷用六君加穀蘖麩食所傷用六君加麥

蘖肉食所傷用六君加山查若蕪寒熱作嘔乃肝木

侮脾土用六君加柴胡生薑蕪嘔吐腹痛手足逆冷

乃寒水侮土六君加薑桂不應用錢氏益黃散幼科

若元氣下陷發熱作渴肢體倦怠用補中益氣湯脾臟

若泄瀉色黃乃脾土之真色用六君加木香肉果病雜

若作嘔不食腹痛惡寒乃脾土虛寒用六君加木香

薑桂若瀉在五更侵晨飲食少思乃脾腎虛弱五更

服四神丸泄瀉日間服白朮散如不應或愈而復作成

飲食少思急用八味丸補命門火以生脾土為善邊太常側室妊娠泄瀉自用枳朮黃連之類腹悶吐痰發熱惡寒飲食到口即欲作嘔強匙許即吞酸不快欲用祛痰理氣余曰此因脾胃傷而痰滯中脘若治痰氣復傷脾胃矣遂以參朮炮薑為末丸如黍粒不時含嚥三五丸漸加至三日後自進六君子湯而尋愈進士王繳徵之內懷妊泄瀉惡食作嘔余曰脾氣傷也其夫憂之強進米飲余謂飲亦能傷胃且不必強俟脾胃醒宿滯自化飲食自進不信別用人參養胃湯飲之吐水酸苦又欲投降火寒藥余

曰若然則胃氣益傷也經云損其脾胃者調其飲食適其寒溫後不藥果愈加味理中湯

人參

白朮

白芍藥

白茯苓

乾薑

黃連

藿香葉

木香

訶子肉

肉果

甘草各壹錢

水貳鍾生薑參片大棗貳枚煎壹鍾飢時服餘方並詳第二卷泄瀉及雜病泄瀉門

氣虛也胎動不安內熱盛也遂用補中益氣湯而安
又用六君子湯全愈 壺仙翁治湯總兵夫人妊娠
病痢不止翁診其脈虛而滑兩關若濡此由胎氣不
和相火炎上而有熱似痢實非也乃用黃芩白朮以
安胎四物生地黄以調血數劑而安

當歸芍藥湯治妊娠下痢腹痛即當歸芍藥散見前心腹痛

本治婦人胎前產後赤白痢

生薑年少者百錢老者百錢取自然汁 鴨子壹枚
右將鴨子打破傾入薑汁內攪勻煎捌分入蒲黃
參錢再煎五七沸空心熱服立效

無妊娠下痢赤白絞刺疼痛

雞子壹枚烏雞者佳破孔

傾出清留黃用之 黃攪勻以厚紙糊牢鹽泥固濟火上煨焙乾為細末

黃丹壹錢入雞子殼內同

右每服貳錢米飲調下一服愈者是男二服愈者是女

大治妊娠素弱煩併下痢腹痛羸瘦面色痿黃不進

飲食

厚朴壹兩半

白朮

熟地黄

川芎

白芍藥

當歸

乾薑

人參各壹兩

訶子壹錢

甘草壹錢

右咬咀每服肆錢薑參片水煎

又方白治妊娠下痢腹痛小便澀

當歸 黃芪 糯米

右細切和勻水煎分四服

羅大寧散 治妊娠下痢赤白灰色泄瀉疼痛垂效

者 黑豆 粟殼 甘艸

右為粗末都作一服生薑參片同煎食前服

治妊娠挾熱下痢亦治男子常痢

黃連 黃檗 山梔仁

挾熱

右咬咀每服伍錢水貳盞浸二時久煮十餘沸頓

服 若嘔加陳皮 生薑

黃連湯 治妊娠下痢赤白膿血不止

黃連 厚朴 阿膠

當歸 乾薑 芡葉

黃檗

右為細末空心米飲調下方寸七日三服

療妊娠白膿痢腹中冷

乾薑 赤石脂 粳米

右用水柒升煎取貳升溫分參服

挾寒

胎前 婦科四 百五

滯氣 厚朴散 治妊娠下痢黃水不絕

厚朴薑炙

黃連兩

肉豆蔻壹枚 連皮用

右為麤末水煮頓服

草果飲 治妊娠臍氣本虛脾胃少弱臍腹虛滑腹

臍疼痛日夜無度

厚朴薑製

肉豆蔻壹箇 麩裹煨

右咬咀每服叁錢薑叁片水同煎

大小便不通

夫妊娠大小便不通由臟腑之熱所致若大腸熱則大便不通小腸熱則小便不利大小腸俱熱則大小便俱不通更推其因而藥之

薛前證若大腸血燥用四物湯加條芩桃仁大腸氣滯用紫蘇飲加杏仁條芩腸胃氣虛用六君子加紫蘇杏仁肝脾蘊熱用龍膽瀉肝湯心肝虛熱用加味道遙散加車前子亞卿李蒲汀側室妊娠大小便不利或用降火理氣之劑元氣反虛肝脉弦急脾脉遲滯視其面色青黃不澤余曰此鬱怒所致也用加味歸脾湯為主佐

胎前 婦科四 百五

以加味道遙散而安 主政王天成之內妊娠痢疾
愈後二便不通其家世醫自用清熱之劑未効余診
其脉浮大而濇此氣血虛也朝用八珍湯加桃仁杏
仁夕用加味道遙散加車前子而瘥

小品療妊娠子淋大小便並不利氣急已服豬苓散
不瘥宜服甘遂散下之

甘遂散方 用泰山赤皮甘遂貳兩 右一味為末以
白蜜貳合和服如豆大壹粒覺心下煩得微下者
日一服下之後還服豬苓散不得下日兩服漸加
至半錢以微利為度經心錄同○此藥太峻不可輕用

峻劑

豬苓散 療妊娠小便澀痛兼治胎水

豬苓伍兩 為末白湯調方寸匕加至貳七日三夜
一二不瘥宜轉下之服前藥

葵子湯古今錄驗 治妊娠得病六七日以上身熱入臍

大小便不利安胎除熱

葵子貳升 滑石肆兩

右以水伍升煮取壹升去滓盡服須臾當下便愈

又方 葵子壹斤 合壹斤 川朴貳兩 硝貳兩 每服叁錢水煎溫服

治妊娠大小便不通心腹脹滿妨悶不欲飲食手足
煩熱

腸劑大

檳榔

赤茯苓

大腹皮

木通

郁李仁

北五味

桑寄生

甘草

苦梗

右為粗末每服參錢水壹盞煎至陸分温服

治妊娠大小便不通熱閉心膈腹脇脹悶妨害飲食

大黃

木通

檳榔

枳殼

大腹子

訶子

右為末以童便壹盞蔥白二寸同煎至陸分調下

貳錢

當歸散

治胎前諸疾或因怒中氣衝子臟或衝解

脈腹急肚脹腰腹時疼不思飲食四肢浮腫氣急時喘大便忽難小便忽澀產門忽腫

當歸 壹兩

赤茯苓

枳殼

白芍藥

川芎

川白薑

木香

粉草

右以咀每服參錢水壹盞半生薑參片煎至捌

分去滓無時温服如稟受氣弱及南人枳殼減

半如氣實及北人於內加分兩服之或連日大便

秘澀加蜜同煎

初虞世治妊娠大便秘澀方

胎前 婦科

枳殼 參兩 防風 貳兩 炙草 壹兩

右為細末沸湯點服壹貳錢空心日三

又治虛羸大便秘方

枳殼 製 阿膠 等分

右為細末煉蜜和劑杵貳參千下丸如梧子大別
研滑石末為衣溫湯下貳拾九半日來未通再服
參拾九止於伍拾九

又方

車前子 壹兩 大黃 炒半兩

右為細末每服參錢空心蜜湯調下

大腹皮湯 治妊婦大小便不通

枳殼 大腹皮 赤茯苓 各壹兩

甘草 貳錢

右為末蔥白湯調下貳錢

補遺局方八正散 治妊婦心經蘊熱臟腑秘結大

腸不通小便赤澁癰閉 見雜病淋

右陳良甫氏所錄諸方今並存之內甘遂朴硝共
至實至危不得已而為之不可輕用其它亦宜審
訂而用之仍味薛氏之說而參之以雜病諸方法
庶無誤也

胎前 大小便不通 女科四

小便不通

大妊娠小便不通為小腸有熱傳於胞而通耳若兼心肺氣滯則致喘急陳無擇云妊娠胎滿逼胞多致小便不利若心腎氣虛清濁相干則為諸淋若胞系了戾小便不通名曰轉胞若胎滿尿出名曰遺尿
丹轉胞病胎婦稟受弱者憂悶多者性急躁者食味厚者大率有之古方皆用滑利疎導藥鮮有應効因思胞為胎所壓展在一邊胞系了戾不通耳胎若舉起懸在中央胞系得疎水道自行然胎之墜下必有其由一曰吳宅寵人患此脉之兩手似橢重取則

拾前小便不通

文斗四

百五十七

赤白帶下

胎前諸症
胎前諸症
胎前諸症
胎前諸症
胎前諸症
胎前諸症
胎前諸症
胎前諸症
胎前諸症
胎前諸症

甘草

甘肅

大如

赤白帶下

弦左手稍和示曰此得之憂患瀆為血少氣多弦為
有飲血少則胞弱而不能自舉氣多則飲中焦不清
而隘則胞知所避而就下故喜墜遂以四物湯加參
朮半夏陳皮生甘草生薑空心飲隨以指探喉中吐
出藥汁候少頃氣定又與一貼次日亦然如是八貼
而安此法果為的確恐偶中耳後有數人歷歷有效
未知果何如耶仲景云婦人本肌盛頭舉身滿今反
羸瘦頭舉中空減胞系了戾亦致胞轉其義未詳必
有能知之者 一婦人四十一歲妊孕九箇月轉胞
小便不出三日矣下急脚腫不堪存活來告急予往

視之見其形瘁脉之右瀕而左稍和此飽食而氣傷
胎系弱不能自舉而下墜壓著膀胱偏在一邊氣急
為其所閉所以水竅不能出也轉胞之病大率如此
予遂製一方補血養氣血氣既正胎系自舉則不下
墜方有安之理遂作人參當歸身尾白芍藥白朮帶
白陳皮炙甘草半夏生薑煎濃湯與四貼任其叫嗽
至次早又與四貼藥查作一貼煎令頓飲之探喉令
吐出此藥湯小便立通皆黑水後就此方加大腹皮
枳殼青蔥葉縮砂仁二十貼與之以防產前後之虛
果得就寧平安產後亦健 一婦人妊娠七八箇月

合前小便不通

患小便不通百醫不能利轉加急脹診其脉細弱予
意其血氣虛弱不然水載其胎故胎重墜下壓住膀胱
下口因此溺不得出若服補藥升扶胎起則自下
藥力未至愈加急滿遂令一老婦用香油塗手自產
門入托起其胎溺出如注脹急頓解一面却以人參
黃芪升麻大劑煮服或少有急滿仍用手托放取溺
如此三日後胎漸起小便如故 薛前證亦有脾肺
氣虛不能下輸膀胱者亦有氣熱鬱結膀胱津液不
利者亦有金為火爍脾土濕熱甚而不利者更當詳
審施治 司徒李杏崗仲子室孕五月小便不利諸

藥不應余曰非六味丸不能救不信別用分利之藥
肚腹腫脹以致不起 儒者王文遠室患此小腹腫
脹幾至於殆用八味丸二服小便滴瀝再以前丸之
料加車前子一劑即利肚腹頓宛而安
仲問曰婦人病飲食如故煩熱不得卧而反倚息者
何也師曰此名轉胞不得溺也以胞系了戾故致此
病但利小便則愈宜腎氣丸主之即八味丸方見雜
拾伍先至貳
拾九日再服
產療小便不通及胞轉桑螵蛸搗末米飲服方寸七
日三

小便不通 卷之六

仲妊娠有水氣重身小便不利洒淅惡寒起即頭眩
葵子茯苓散主之

葵子

茯苓各參兩

右二味杵為散飲服方寸七日三服小便利則愈

妊娠小便難飲食如故歸母苦參丸主之

當歸

貝母

苦參各肆兩

右為末煉蜜丸如小豆大飲服參丸加至拾九子男

加滑石半兩

天治妊娠卒不得小便杏仁一味去皮尖搗丸如綠

豈大燈心湯吞柴丸立利

丹朱宅婦人三十餘歲懷胎四個月大小便閉因與
通利冬葵子等藥已通但氣未順此由性急血耗氣
亂須和其氣滋其血乃安

陳皮

青皮

芍藥壹錢

人參

歸身尾

川芎

地黃

白朮兩半

茯苓

木通

甘草貳分

獨聖散 治妊娠小便不通

右用雙荆子為末每服貳錢食前濃煎蔥白湯調

下

